

中国边疆研究资料文库·边疆史地文献初编

北部边疆

第二輯

中国边疆研究资料文库·边疆史地文献初编

北部邊疆

第二輯

庫 倉 誌

庫
倉
誌

庫倫誌

庫倫地域外市俄國內領圖車二盟實朔漠之根本
黑龍江定邊之輔車而熱察之藩籬也漢之盛也霍
去病自代以重兵入左地臨瀚海挾烏桓而南徙之
遼東五郡而匈奴益西徙漠南無王庭元魏之盛也
太武出東道會賊庭分軍東至瀚海降高車東部于
已尼陂三十萬其後樂平王丕等累出東道而吐賀
真汗益單弱遠竄邊疆息警遠之盛也于臚朐河置
塔喇主城于皮被河築皮被河城用能捍禦室韋羽
厥所制阻諸部金人又知戍遼之塔喇主諸城而西

之阻對東之廣也。刺諾部遂日強大。而明昌中軍至龍駒河者。遂為阻黷所圍。雖為完顏襄所敗降。而仍無建置。迨成吉思汗起。統一東北之勢成。固不待烏沙堡之入。而知金陞之不守矣。洪武不用兵于此者十數年。亦以徐達拉河之挫。損失過重也。永樂以邱福之敗。初次親征。至飲馬河。元裔西遁。瓦剌之叛。再駕至圖拉河。而馬哈木等亦遁。康熙中葉。噶爾丹凌轢喀部。侵軼內蒙。至為猖獗。乃車駕兩征。至克魯倫河。而噶爾丹遂不敢戰。而逋泊圖拉河之捷。噶爾丹亡。不旋踵而朔漠一定。歸喀部于故土。重勒永樂之

銘斯皆用武庫域之效也外裔之強拓跋氏自拜加
爾湖移此遂南建庭於濡源盡王北戒回紇始樹牙
獨樂水至突厥必伽之亡遂徙牙烏德韃山全有漠
北成吉思汗之起先得客魯漣兀刺沐流域而王罕
諸部相繼覆亡迨于內窺桓撫而金大都西京皆不
可保圖謝圖汗附于諸旗跨杭愛山汗山鄂爾坤邑
楞格圖拉諸地域山河表裏為漠北之關中自匈奴
龍庭柔然突厥回紇之都皆在此今額爾德尼昭
在圖什其林城西南故址舊碑碣存者尚多亦可息
衆喙之爭而知都會必據形勝圖汗為漠北大是

仍與都和林無異也圖車兩盟水草豐饒礦冶雄富
漢滅北匈奴矣而不能收郡邑地充實空曠
致鮮卑回紇更起迭興而不能收水靖邊塵之利元
及有清可以郡邑庫化行國為居國而因仍舊貫
布置闕然迨應昌和林之徙而盡為墟莽同治肅回
之來則張廷岳等岌岌皇皇幾于空國待人之入後
來庫佛之立熱察綏三邊紛擾無限陷經棚圍多倫
巢百靈廟焚掠五原諸處使非協約之成則也先俺
達之患即迫在眉睫矣今建國者皆以營市邑闢草
萊開礦冶興教育治道路為主隱合孔孟富庶之訓

清之末季有議開張庫鐵路者矣有議開伊黑鐵路者矣使能究厥功費固可化彼圖車同我中冀也

善乎喜昌之鎮庫倫也條上邊務曰收蒙權改台站置邊關重民吏墾荒地所以保固邊衛者計畫固至周也乃俄約之成上下晏安轉說建議者為多事惜哉惜哉然庫倫恰克圖之間自雍正乾隆之間已多墾闢若圖盟右翼左親王專墾沿色楞格河鄂爾坤河哈拉河及其各支河流域皆有漢蒙人農田不下數千百頃金啟則光緒二十四年將軍連順奏曰庫倫東北六台地西自鄂爾坤河哈拉河至額能河有

金鑛三西北九台地北至伊埒河至伊魯河有金鑛
二以伊魯河所產為最佳三十三年遂命庫倫大臣
延祉為督辦而金鑛以次漸開地利漸出然領邊寄
者惟計金砂報効之多寡與捐稅收納之數夫列邦
經營邊荒徃徃擲巨資于虛耗而不恤乃能收富庶
之效漢唐之于邊地亦如此我願見邠而求時夜宜
其終于喪也

庫倫區域

其名山則有大興安山

在敖嫩河北小肯特山東自此綿亘而東直抵黑龍江入海處山之南為中國界山之北為俄羅斯界

肯忒山

在敖嫩河源之南即克魯倫河發源處提綱曰肯忒山高
大為漠北群山東至大海之祖山之西支阜曰即龍嶺又
西曰忒忒勒爾几嶺凡諸嶺以南水皆流入克魯倫河以
北水皆流入敖嫩河

汗山

在興安嶺北圖拉河南岸元秘史謂之不兒罕山

杭愛山

在圖什業圖汗旗西提綱曰杭愛山自西北枯庫嶺蜿蜒而東南數百里又東行百餘里連峰相接山勢高大折東北數里其麓為姑洛河為鄂爾坤河源之一又東行蟠踞數百里按杭愛山綿亘于賽音諾顏圖什業圖汗兩部之境一統志謂即古燕然山

其大川為喀魯倫河

按喀魯倫河一曰臚朐河遼史地理志一曰龍駒河金史地理志及內族襄等傳一曰陸局河長春真人西遊記一

曰客魯元祕史一曰怯綠連河元史聖武親征錄一曰飲馬河明太宗實錄及北征錄

一曰克魯倫河

方畧諸書作克魯倫河一統志

會典水道

圖說作喀魯倫河蒙古游牧記諸書同 克魯倫河出車

臣汗部中右後旗肯忒山東南支峰西南麓當右翼之西
兩源西流而合又西有一河亦自肯忒山南麓西南流來
會又西南流伊羅河自北入之又西南流右納集隆河水
道提綱作即龍河又西南至布色山一作布塞山之東南
麓有撒納河東自必兒喀嶺之西麓西流合東南一水來
會胡圖曰特訥河又西南經中右後旗之北特勒爾集河

自忒勒兒集嶺東南流來會又西南有博爾肯河西北自
土喇源山之東麓東南流來會提綱曰白勒官河又西南
至噶老台嶺之東提綱曰噶鄂泰嶺自嶺西北之水皆西
入土拉河自嶺東南之水皆會入北河又西南至兩山間
岸東山即必兒喀嶺之西南幹山

噶老台河自西北來注之折南流經東庫倫東又南流當
興安嶺之東右翼中右旗之西又東南自沙地經拖諾山

南麓

蒙古游牧記拖諾山在克魯倫河之西北征錄水樂八年五月初一日早發遙見鹽胸河又行數里臨河

賜名曰飲馬河駐營河上

聖祖御碑前

康熙三十五年親征噶爾丹時

折東北經喀喇河朔山南麓山在巴彥烏拉之東北里又

東南僧庫爾河自北會之又東南經托訥阿楚碑南及訥
楚山南折東北經車臣汗旗西又東北流塔爾集爾河自
西北注之又東北流當左翼左旗南又東北經額古德哈
爾噶南當厄勒莫山西南麓提綱東南百餘里為才里剛
阿山又東南三百里為翁文卓魯可山又南三百餘里為
查漢七老碑山又東南二百里為杜蘭喀喇山又東南五
百里為察布圖山又東南為蘇尼特部北度漠要道折東
流數十里至東南麓兩岸沙漠又東北流經古爾班博爾
龍山北提綱曰古爾坂撥拉龍山東北流三百里至哭魯
鄂模南又東北流經中左旗北庫魯謨泊南即哭魯鄂模

又折東南中有沙洲曰杰兒呼朮胡圖經珠爾呼珠山南
又折東北經左翼左旗南當甘珠哈布山北巴拉斯城南
提綱作必拉城曰漠北僅有此城黃陂陳都護使毅筆記
宣統辛亥六月回至庫倫東赴車臣汗部游歷各旗至桑
貝子旗止昧途沿克魯倫河至密斯多爾濟台吉旗訪巴
勒和屯有遼故城遼碑沒塔存塔在克魯倫河北岸按
即此城又東北流經篤勒泊東布拉漢都桂北折東流經
錫拉巴古台北折北流當中左前旗東南又東北當歐拉
呼西北經中前旗南折東南流當古爾班博和忒山南又
東北流為杜勒泊一作杜勒鄂模當海拉蘇台東北又東

北入黑龍江境潴為呼倫池